

IV. OPOSICIÓN E CONCURSOS**CONSELLERÍA DE CULTURA, EDUCACIÓN E ORDENACIÓN UNIVERSITARIA**

ORDE do 8 de marzo de 2017 pola que se convoca concurso de méritos para a selección e o nomeamento da Dirección dos centros docentes públicos que imparten as ensinanzas reguladas na Lei orgánica 2/2006, do 3 de maio, de educación.

A Lei orgánica 8/2013, do 9 de decembro, para a mellora da calidade educativa, modifica os artigos 133, 134 e 135 da Lei orgánica 2/2006, do 3 de maio, de educación, relativos á selección da dirección dos centros docentes públicos que imparten as ensinanzas reguladas nesta lei, os requisitos para ser candidatos a director e o procedemento de selección. No artigo 135.1 establécese que para a selección das direccións nos centros públicos, as administracións educativas convocarán concurso de méritos e establecerán os criterios obxectivos e o procedemento de selección, así como os criterios de valoración dos méritos do candidato e do proxecto presentado.

Procede convocar concurso de méritos para seleccionar as direccións dos centros que rematan o seu mandato no actual curso académico 2016/17 e non solicitaron a correspondente prórroga e aquelas direccións que rematan o seu mandato de carácter extraordinario ou accidental.

A convocatoria axústase ao previsto na Lei orgánica 8/2013, do 9 de decembro, para a mellora da calidade educativa e aos preceptos que se manteñen vixentes do Decreto 29/2007, do 8 de marzo, polo que se regula a selección, nomeamento e cesamento dos directores e directoras dos centros docentes públicos que imparten as ensinanzas reguladas na Lei orgánica 2/2006, do 3 de maio, de educación.

Na súa virtude, a Consellería de Cultura, Educación e Ordenación Universitaria

DISPÓN:

Primeiro. *Convocatoria*

Convócase concurso de méritos para seleccionar e nomear as direccións dos centros docentes públicos onde se imparten ensinanzas reguladas na Lei orgánica 2/2006, do 3 de maio, de educación, que se relacionan no anexo I a esta orde.



A selección realizarase de conformidade cos principios de igualdade, publicidade, mérito e capacidade.

Segundo. *Requisitos para ser candidata ou candidato á Dirección*

1. Para participar neste concurso de méritos para ser nomeada directora ou director dun centro docente público dependente da Consellería de Cultura, Educación e Ordenación Universitaria deberán reunirse os seguintes requisitos:

a) Ser funcionaria ou funcionario de carreira dun corpo docente a que se refire a Lei orgánica 2/2006, do 3 de maio, de educación.

b) Ter unha antigüidade de polo menos cinco anos como funcionaria ou funcionario na función pública docente.

c) Ter impartido docencia directa como funcionaria ou funcionario, durante un período de polo menos cinco anos, nalgunha das ensinanzas das que ofrece o centro a que se opta. Para estes efectos, enténdese que as funcionarias e funcionarios responsables da orientación educativa e profesional imparten docencia directa.

d) Estar prestando servizos nun centro educativo dependente da Consellería de Cultura, Educación e Ordenación Universitaria.

No suposto de estar nunha situación administrativa distinta da de activo, o último centro no se que se prestou servizos debe ser dependente da Consellería de Cultura, Educación e Ordenación Universitaria e deberá reunir os requisitos para reingresar con efectividade do 1 de xullo de 2017.

2. Para participar no concurso de méritos para ser nomeada directora ou director dun centro público específico de educación infantil, incompleto de educación primaria, nos de educación secundaria con menos de oito unidades, en que se imparten ensinanzas artísticas profesionais, deportivas, de idiomas ou nos centros específicos de adultos con menos de oito profesores, non se exixirán os requisitos establecidos nas letras b) e c) do punto 1 desta epígrafe.

Terceiro. *Solicitudes e documentación*

1. A solicitude de participación no concurso de méritos dirixirase á Xefatura Territorial da Consellería de Cultura, Educación e Ordenación Universitaria da provincia corresponden-



te, e poderase imprimir e descargar unha vez formalizados os datos de participación no concurso a través do enderezo web www.edu.xunta.es/cxt.

Lémbrese que para acceder a este servizo web é preciso ter conta de correo electrónico no dominio edu.xunta.es polo que, quen non a teña, deberá solicitala a través da páxina web <https://www.edu.xunta.es/contausuario>.

Xunto coa solicitude achegárase ademais:

a) Documentación acreditativa dos méritos académicos e profesionais alegados en relación co baremo que se publica como anexo II a esta orde, agás aqueles que xa consten na base de datos de persoal.

b) Proxecto de dirección que inclúa, polo menos, os obxectivos, as liñas de actuación e a súa avaliación. No proxecto de dirección deberá facerse referencia, entre os seus obxectivos xerais e as liñas prioritarias de actuación, ao previsto nos artigos 9 e 10 da Lei 7/2004, do 16 de xullo, galega para a igualdade de mulleres e homes.

O proxecto de dirección non excederá de 30 folios DIN A4, nun tipo de letra: Times New Roman, espazo entre liñas: 1,5.

c) Calquera outra documentación que a candidata ou candidato considere idónea en interese da súa solicitude.

2. Efectuarase unha solicitude por cada centro que se demande ata un máximo de dúas.

3. Así mesmo, os participantes no concurso de méritos remitirán ao centro ou centros docentes que soliciten unha copia do seu proxecto de dirección. Este proxecto estará a disposición dos membros do Claustro de Profesores e do Consello Escolar na Secretaría do centro durante un período mínimo de 10 días lectivos, no horario que estableza a Dirección do centro.

No taboleiro de anuncios da sala de profesores exporase unha relación das candidaturas presentadas, así como o prazo e o horario en que poderán verse os proxectos de dirección na Secretaría.

4. A solicitude, xunto coa documentación a que se alude no punto anterior, poderase presentar no rexistro da Xunta de Galicia ou das súas delegacións territoriais, ou en calquera das dependencias ás que alude o artigo 16 da Lei 39/2015, do 1 de outubro, do procedemento administrativo común das administracións públicas.



No caso de que se opte por presentar a súa solicitude ante unha oficina de Correos, farase en sobre aberto, para que a instancia sexa datada e selada polo funcionario de Correos antes de ser certificada.

Cuarto. *Prazo de solicitude*

O prazo de presentación de solicitudes e documentación será de vinte días naturais contados a partir do día seguinte ao da publicación desta orde no *Diario Oficial de Galicia*.

Quinto. *Comisión de Selección*

1. En cada centro educativo constituirase unha comisión de selección, nomeada polo xefe ou xefa territorial da Consellería de Cultura, Educación e Ordenación Universitaria, que terá como sede a localidade e local que decida a súa presidencia, e que terá a seguinte composición:

a) Unha inspectora ou inspector de Educación, designado polo xefe ou xefa territorial da Consellería de Cultura, Educación e Ordenación Universitaria, que exercerá como presidenta ou presidente.

b) Tres inspectores ou directores de centros educativos públicos, designados polo xefe ou xefa territorial da Consellería de Cultura, Educación e Ordenación Universitaria.

c) Dúas profesoras ou profesores do centro elixidos polo Claustro de Profesores, en reunión extraordinaria para estes efectos. No caso de producirse empate no número de votos repetirase unha vez a votación e de persistir o empate dirimirase por sorteo.

d) Un membro do Consello Escolar, elixido por e entre os membros do Consello Escolar. No caso de producirse empate no número de votos repetirase unha vez a votación e de persistir o empate dirimirase por sorteo.

2. Actuará como secretaria ou secretario da comisión o representante do Claustro de Profesores con menor antigüidade como funcionaria ou funcionario de carreira e, en caso de empate, o máis novo.

3. A representación do Consello Escolar do centro non poderá recaer no alumnado que estea matriculado nun curso inferior a terceiro de educación secundaria obrigatoria.



4. En ningún caso, as candidatas ou candidatos á Dirección poderán formar parte da Comisión de Selección.

5. Designaranse suplentes dos membros da Comisión de Selección en cada un dos ámbitos de representación que actuarán en substitución dos titulares cando exista causa xustificada que impida a actuación destes.

6. Aos membros da Comisión de Selección seranlles de aplicación as normas sobre abstención e recusación previstas nos artigos 23 e 24 da Lei 40/2015, do 1 de outubro, de réxime xurídico do sector público.

7. A Dirección do centro efectuará a proposta de nomeamento dos representantes do Claustro e do Consello Escolar na Comisión de Selección á Xefatura Territorial da Consellería de Cultura, Educación e Ordenación Universitaria, no prazo dos cinco días seguintes ao remate do prazo de solicitudes establecido na epígrafe cuarta desta orde, sen que se teñan en consideración posibles ampliacións deste.

8. A non elección dos representantes do Claustro de Profesores ou do Consello Escolar non impedirá a constitución e o normal funcionamento da Comisión de Selección.

9. A composición da Comisión de Selección publicarase no taboleiro de anuncios do centro.

Sexto. Composición da Comisión de Selección en determinados supostos

Cando o número de profesorado do centro sexa inferior a catro ou o número de candidaturas á Dirección non lle permita ao Claustro elixir dous membros de entre o profesorado, a composición da Comisión de Selección será a seguinte:

– Unha inspectora ou inspector de Educación, designado polo xefe ou xefa territorial da Consellería de Cultura, Educación e Ordenación Universitaria, que exercerá como presidenta ou presidente.

– Dous inspectores ou directores de centros educativos públicos, designados polo xefe ou xefa territorial da Consellería de Cultura, Educación e Ordenación Universitaria.

– Un profesor ou profesora do centro elixida polo Claustro de Profesorado.

– Un membro do Consello Escolar, elixido por e entre os seus compoñentes.



Sétimo. *Funcións da Comisión de Selección e procedemento de funcionamento*

1. Recibidas as solicitudes dirixidas á Xefatura Territorial, a Comisión de Selección comprobará que o persoal aspirante reúne os requisitos establecidos nesta orde e notificaralle ao persoal aspirante a admisión ou rexeitamento da súa petición.

2. Contra o rexeitamento da solicitude, os aspirantes poderán presentar reclamación ante a propia comisión seleccionadora, no prazo de cinco días naturais contados desde o día seguinte ao da notificación do rexeitamento da solicitude.

3. A Comisión de Selección valorará os méritos académicos e profesionais de cada aspirante, de acordo co baremo que se publica como anexo II a esta orde.

4. A Comisión de Selección valorará, así mesmo, os proxectos de dirección, de acordo co establecido no baremo que se publica no anexo II desta orde, e poderá ter unha entrevista co profesorado que presentou candidatura se considera necesario clarificar algúns aspectos do proxecto de dirección. Cando a Comisión de Selección decida a realización desta entrevista, deberá efectualala a todos e cada un dos candidatos e candidatas.

5. A cualificación do proxecto de dirección será a media aritmética das cualificacións de todos os membros presentes da comisión. Cando entre as puntuacións outorgadas polos membros da comisión exista unha diferenza de tres ou máis enteiros, serán automaticamente excluídas as cualificacións máxima e mínima, calculándose a puntuación media entre as cualificacións restantes. No caso de empate entre cualificacións máximas ou mínimas, unicamente será excluída unha delas.

6. Contra as puntuacións outorgadas pola Comisión de Selección poderá presentarse reclamación ante a propia comisión no prazo de dez días hábiles computados a partir do día seguinte ao da súa publicación no taboleiro de anuncios do centro educativo.

Oitavo. *Selección das candidaturas*

1. Transcorrido o prazo de reclamacións e, se é o caso, resoltas estas, a Comisión de Selección establecerá a puntuación final obtida polos aspirantes e seleccionará a candidata ou candidato que propondrá como directora ou director do centro, para o seu nomeamento pola Xefatura Territorial da Consellería de Cultura, Educación e Ordenación Universitaria.



2. Para poder ser seleccionado e ser nomeado para a Dirección é necesario obter polo menos seis puntos no proxecto de dirección.

3. No caso de se produciren empates na puntuación total dos aspirantes, estes dirimi-ranse atendendo sucesivamente aos seguintes criterios:

- a) Maior puntuación no proxecto de dirección.
- b) Maior puntuación na epígrafe 2 do baremo.
- c) Maior puntuación na epígrafe 1 do baremo.

4. Se unha candidata ou candidato resultase seleccionado para dous centros, resultará nomeado no centro en que tivese destino definitivo. De non ter destino definitivo en ningún dos centros, será nomeado no centro polo que opte, e procederase a seleccionar e nomear no centro non elixido a outra ou outro aspirante que reúna os requisitos con maior puntuación.

Noveno. *Recursos*

Contra a decisión da Comisión de Selección, en que resolve definitivamente o concurso de méritos de selección e nomeamento da Dirección do centro, cabe recurso de alzada, no prazo dun mes, ante a Xefatura Territorial da Consellería de Cultura, Educación e Ordenación Universitaria.

Décimo. *Nomeamento*

1. A Xefatura Territorial da Consellería de Cultura, Educación e Ordenación Universitaria procederá a nomear directora ou director a persoa proposta pola comisión avaliadora.

2. Os nomeamentos das direccións realizaranse con efectividade do 1 de xullo de 2017 e por unha duración de catro anos, prorrogables de acordo co previsto no artigo 136 da Lei orgánica 2/2006, do 3 de maio, de educación, segundo a redacción dada pola Lei 8/2013, do 9 de decembro, para a mellora da calidade educativa.

3. Cando o nomeamento recaia nunha funcionaria ou funcionario que non teña destino definitivo no centro, a Dirección desempeñarse en réxime de comisión de servizos.



Décimo primeiro. Nomeamento con carácter extraordinario

Nos supostos de ausencia de candidatos, ou cando a comisión correspondente non seleccione ningún candidato, ou nos centros de nova creación, a Dirección será nomeada pola Xefatura Territorial da Consellería de Cultura, Educación e Ordenación Universitaria, oídos o Claustro de Profesores e o Consello Escolar, por un período de dous anos, entre o profesorado que reúna os requisitos establecidos na epígrafe segunda desta orde.

Santiago de Compostela, 8 de marzo de 2017

Román Rodríguez González
Conselleiro de Cultura, Educación e Ordenación Universitaria

ANEXO I
Centros con praza vacante de Dirección para o curso 2016/17

Código	Centro	Concello	Provincia
15005026	CEIP Sanjurjo de Carricarte	A Coruña	A Coruña
15005336	CEE Nosa Señora do Rosario	A Coruña	A Coruña
15021792	CEIP Salgado Torres	A Coruña	A Coruña
15007886	CEIP Ramón Otero Pedrayo	A Laracha	A Coruña
15013199	CEP Salustiano Rey Eiras	A Pobra do Caramiñal	A Coruña
15025220	CEP Plurilingüe de Ventín	Ames	A Coruña
15032625	CEIP Agro do Muíño	Ames	A Coruña
15000363	CEIP Ponte dos Brozos	Arteixo	A Coruña
15026194	CEIP Plurilingüe A Fraga	As Pontes de García Rodríguez	A Coruña
15001124	CEIP Francisco Vales Villamarín	Betanzos	A Coruña
15001367	CEIP Plurilingüe de Abanqueiro	Boiro	A Coruña
15021500	CEIP Santa Baia	Boiro	A Coruña
15002025	CEIP Plurilingüe Eladia Mariño	Cabanas	A Coruña
15002050	CEIP O Areal	Camariñas	A Coruña
15002086	CEIP de Ponte do Porto	Camariñas	A Coruña
15021354	CEIP Bergantiños	Carballo	A Coruña
15011661	CEIP Manuel Fraga Iribarne	Cariño	A Coruña
15002761	CEIP de Carnota	Carnota	A Coruña
15032959	CEIP Vicente Otero Valcárcel	Carral	A Coruña
15003054	CEIP Nicolás del Río	Cedeira	A Coruña



Código	Centro	Concello	Provincia
15003248	CEIP Eugenio López	Cee	A Coruña
15003534	CEIP da Barqueira	Cerdido	A Coruña
15002670	CEIP Canosa-Rus	Coristanco	A Coruña
15003807	CEIP de Bormoio-Agualada	Coristanco	A Coruña
15032492	CRA de Dodro	Dodro	A Coruña
15021810	CEIP Santa Eulalia de Dumbria	Dumbria	A Coruña
15022981	CEIP Plurilingüe de Centieiras	Fene	A Coruña
15026960	CEIP de Ponzos	Ferrol	A Coruña
15023910	CEIP Martagona	Melide	A Coruña
15027526	CEIP Mestre Pastor Barral	Melide	A Coruña
15009081	CEIP de San Ramón	Moeche	A Coruña
15009676	CEIP Virxe da Barca	Muxía	A Coruña
15022310	CEIP A Gándara	Narón	A Coruña
15032911	CEIP de Oleiros	Oleiros	A Coruña
15025487	CEIP Campomaior	Ordes	A Coruña
15011981	CEIP José María Lage	Ortigueira	A Coruña
15012742	CEIP Flavia	Padrón	A Coruña
15013291	CEIP Eduardo Pondal	Ponteceso	A Coruña
15013503	CEIP Couceiro Freijomil	Pontedeume	A Coruña
15013928	CEIP de Sobrado-Nebra	Porto do Son	A Coruña
15027401	CEIP Ana María Diéguez	Rianxo	A Coruña
15024771	CEP Plurilingüe de Carreira	Ribeira	A Coruña
15015652	CEIP Apóstolo Santiago	Santiago de Compostela	A Coruña
15015998	CEIP Ramón Cabanillas	Santiago de Compostela	A Coruña
15016012	CEIP Plurilingüe Cardeal Quiroga Palacios	Santiago de Compostela	A Coruña
15027332	CEIP das Fontiñas	Santiago de Compostela	A Coruña
15016450	CEIP de Arcediago	Santiso	A Coruña
15019372	CEIP Plurilingüe San Vincenzo	Vimianzo	A Coruña
15026789	CEIP Bañas	Vimianzo	A Coruña
15032145	IES de Pastoriza	Arteixo	A Coruña
15027733	IES de Arzúa	Arzúa	A Coruña
15001136	IES Francisco Aguiar	Betanzos	A Coruña
15001239	CPI Armando Cotarelo Valledor	Boimorto	A Coruña



Código	Centro	Concello	Provincia
15023338	IES Praia Barraña	Boiro	A Coruña
15001926	CPI As Revoltas	Cabana de Bergantiños	A Coruña
15032923	IES de Carral	Carral	A Coruña
15003212	IES Agra de Raíces	Cee	A Coruña
15025611	IES Monte das Moas	A Coruña	A Coruña
15005579	IES Plurilingüe Elviña	A Coruña	A Coruña
15005002	IES Ramón Otero Pedrayo	A Coruña	A Coruña
15005233	IES Agra do Orzán	A Coruña	A Coruña
15032935	IES Rego de Trabe	Culleredo	A Coruña
15007621	CPI Plurilingüe Cabo da Area	Laxe	A Coruña
15027927	IES Ramón Caamaño	Muxía	A Coruña
15025268	IES As Telleiras	Narón	A Coruña
15026731	IES Campo de San Alberto	Noia	A Coruña
15012730	IES Camilo José Cela	Padrón	A Coruña
15026406	IES de Ponteceso	Ponteceso	A Coruña
15026029	IES Isaac Díaz Pardo	Sada	A Coruña
15014957	CPI de San Sadurniño	San Sadurniño	A Coruña
15026030	IES Terra de Xallas	Santa Comba	A Coruña
15026418	IES Terra de Soneira	Vimianzo	A Coruña
15019281	CPI de Zas	Zas	A Coruña
27014811	IES Plurilingüe Fontem Albei	A Fonsagrada	Lugo
27016716	IES Fonmiñá	A Pastoriza	Lugo
27016297	IES Enrique Muruais	A Pontenova	Lugo
27013958	IES Monte Castelo	Burela	Lugo
27015761	IES Ánxel Fole	Lugo	Lugo
27016704	IES Leiras Pulpeiro	Lugo	Lugo
27016303	IES Pedregal de Irimia	Meira	Lugo
27007259	IES Río Cabe	Monforte de Lemos	Lugo
27013314	IES Santiago Basanta Silva	Vilalba	Lugo
27013922	CEIP do Castro de Ouro	Alfoz	Lugo
27001816	CEIP Veleiro-Docampo	Castro de Rei	Lugo
27015301	CEIP de Cervo	Cervo	Lugo
27020859	CEIP de Cervo nº 1	Cervo	Lugo



Código	Centro	Concello	Provincia
27003126	CEIP Xoán de Requeixo	Chantada	Lugo
27014793	CEIP Paradai	Lugo	Lugo
27016728	CEIP Illa Verde	Lugo	Lugo
27012887	CEIP do Vicedo	O Vicedo	Lugo
27015827	CEIP Terra Chá	Vilalba	Lugo
27016406	CEIP Plurilingüe de Covas	Viveiro	Lugo
27016170	CEIP Plurilingüe Santa Rita	Viveiro	Lugo
27014859	CEIP de Xermade	Xermade	Lugo
27005691	CEIP Plurilingüe Pedro Caselles Rollán	Xove	Lugo
32016339	IES de Allariz	Allariz	Ourense
32020781	CEIP do Ruxidoiro	Barbadás	Ourense
32016789	CEIP Filomena Dato	Barbadás	Ourense
32002122	CEIP Nosa Señora de Xuvencos	Boborás	Ourense
32003059	CEIP San Marcos	Cartelle	Ourense
32015682	CEIP de Castrelo do Val	Castrelo do Val	Ourense
32003771	CEIP Curros Enríquez	Celanova	Ourense
32016625	IES de Celanova	Celanova	Ourense
32006358	CEIP do Xurés	Lobios	Ourense
32020801	CRA de Monterrei	Monterrei	Ourense
32015219	CEIP Manuel Sueiro	Ourense	Ourense
32008941	IES Eduardo Blanco Amor	Ourense	Ourense
32016273	IES Xesús Ferro Couselo	Ourense	Ourense
32015876	IES Xermán Ancochea Quevedo	Pobra de Trives	Ourense
32011901	CEIP Virxe do Camiño	Rubiá	Ourense
32012103	CPI Virxe da Saleta	San Cristovo de Cea	Ourense
36006195	CEIP A Carballeira	Pontevedra	Pontevedra
36007539	CEIP Fermín Bouza Brey	Ponteareas	Pontevedra
36010150	CEIP Mestres Goldar	Vigo	Pontevedra
36009998	CEIP de Mosteiro-Bembrive	Vigo	Pontevedra
36004681	CEIP de Seixo	Marín	Pontevedra
36010137	CEIP da Igrexa-Candeán	Vigo	Pontevedra
36012985	CEIP de Sestelo-Baión	Vilanova de Arousa	Pontevedra
36010538	CEIP Lope de Vega	Vigo	Pontevedra



Código	Centro	Concello	Provincia
36010228	CEIP A Paz	Vigo	Pontevedra
36015241	CEP Celso Emilio Ferreiro	Vigo	Pontevedra
36009974	CEIP de Coutada-Beade	Vigo	Pontevedra
36016772	CEE de Vilagarcía de Arousa	Vilagarcía de Arousa	Pontevedra
36004460	CEIP de Ardán	Marín	Pontevedra
36004691	CEIP de Coirón-Dena	Meaño	Pontevedra
36024045	CRA Mestre Manuel Garcés	Tomíño	Pontevedra
36018422	CEIP Plurilingüe de Atios	O Porriño	Pontevedra
36002220	CEIP Cabada Vázquez	A Estrada	Pontevedra
36015093	CEIP San Tomé	Cambados	Pontevedra
36018884	EPAPU Berbés	Vigo	Pontevedra
36016796	EEl de Verducedo	Moaña	Pontevedra
36015068	CEIP Balaídos	Vigo	Pontevedra
36009135	CEIP de Silleda	Silleda	Pontevedra
36014672	CEIP Serra-Vincios	Gondomar	Pontevedra
36015366	CEIP O Pombal	Vigo	Pontevedra
36018410	CEIP Quintela	Redondela	Pontevedra
36001057	CEIP do Hío	Cangas	Pontevedra
36016929	CEIP da Cruz-Budiño	O Porriño	Pontevedra
36019611	CEP Marcos da Portela	Pontevedra	Pontevedra
36010587	CEIP de Sárdoma-Moledo	Vigo	Pontevedra
36010083	CEIP Plurilingüe Carballal-Cabral	Vigo	Pontevedra
36003388	CEIP Doutor Suárez	Fornelos de Montes	Pontevedra
36013552	CEIP de Seara	Moaña	Pontevedra
36015007	CEIP de Cedeira	Redondela	Pontevedra
36017201	CEE Príncipe Felipe	Pontevedra	Pontevedra
36019773	EEl da Pastora	Cambados	Pontevedra
36014556	CEP Santa Tegra-Teis	Vigo	Pontevedra
36001665	CEIP de Tenorio	Cotobade	Pontevedra
36002347	CEIP Pérez Viondi	A Estrada	Pontevedra
36012742	CEIP de Vilaxoán	Vilagarcía de Arousa	Pontevedra
36012183	CEIP Nosa Señora da Piedade	Vila de Cruces	Pontevedra
36013576	CPI Manuel Suárez Marquier	O Rosal	Pontevedra



Código	Centro	Concello	Provincia
36001252	CPI do Progreso	Catoira	Pontevedra
36016590	CEIP de Abelendo	Moaña	Pontevedra
36015652	CEIP O Piñeiríño	Vilagarcía de Arousa	Pontevedra
36006353	CEIP de Vilaverde-Mourente	Pontevedra	Pontevedra
36019438	CEIP A Guía	Moaña	Pontevedra
36006833	CEIP San Martiño	Pontevedra	Pontevedra
36005774	CEIP Humberto Juanes	Nigrán	Pontevedra
36001033	CEIP Plurilingüe de San Roque de Darbo	Cangas	Pontevedra
36019153	EEl Rúa Hernán Cortés	Vigo	Pontevedra
36015810	CEIP Plurilingüe Sobreira-Valadares	Vigo	Pontevedra
36001975	CEIP Pío Cabanillas Gallas	Dozón	Pontevedra
36008805	CEIP de Portonovo	Sanxenxo	Pontevedra
36012584	CEIP Plurilingüe Rosalía de Castro	Vilagarcía de Arousa	Pontevedra
36000508	CEIP Plurilingüe de Castrelo	Cambados	Pontevedra
36015263	CEIP de Rubiáns	Vilagarcía de Arousa	Pontevedra
36013761	IES A Xunqueira I	Pontevedra	Pontevedra
36016814	EEl do Con	Moaña	Pontevedra
36015160	EEl As Dunas Panxón	Nigrán	Pontevedra
36014520	IES Pedra da Auga	Ponteareas	Pontevedra
36011592	IES Santa Irene	Vigo	Pontevedra
36020301	IES de Meaño	Meaño	Pontevedra
36019657	IES Primeiro de Marzo	Baiona	Pontevedra
36020295	IES Mestre Landín	Marín	Pontevedra
36016656	IES Pedro Florianí	Redondela	Pontevedra
36019621	ES de Conservación e Restauración de Bens Culturais	Pontevedra	Pontevedra
36019062	IES Rosais 2	Vigo	Pontevedra
36019268	IES Gonzalo Torrente Ballester	Pontevedra	Pontevedra
36005142	CPI Santa Lucía	Moraña	Pontevedra
36009172	CPI Manuel Padín Truiteiro	Soutomaior	Pontevedra
36014601	IES Álvaro Cunqueiro	Vigo	Pontevedra
36001148	CPI da Cañiza	A Cañiza	Pontevedra
36015184	IES Escolas Proval	Nigrán	Pontevedra



Código	Centro	Concello	Provincia
36019323	IES Chano Piñeiro	Forcarei	Pontevedra
36016127	IES Plurilingüe Aquis Celenis	Caldas de Reis	Pontevedra
36019232	IES Monte da Vila	O Grove	Pontevedra
36011798	IES Alexandre Bóveda	Vigo	Pontevedra
36000922	IES María Soliño	Cangas	Pontevedra
36020131	IES de Mos	Mos	Pontevedra
36016681	IES Carlos Casares	Vigo	Pontevedra
36015159	IES Chan do Monte	Marín	Pontevedra
36002359	IES Antón Losada Diéguez	A Estrada	Pontevedra
36013771	IES Fermín Bouza Brey	Vilagarcía de Arousa	Pontevedra
36004708	CPI de Mosteiro-Meis	Meis	Pontevedra
36024781	IES do Barral	Ponteareas	Pontevedra
36019050	IES de Beade	Vigo	Pontevedra
36024197	IES de Cotobade	Cotobade	Pontevedra
36004551	IES Illa de Tambo	Marín	Pontevedra
36019751	IES de Tomiño	Tomiño	Pontevedra

ANEXO II

Méritos	Puntos	Documentación xustificativa
1. Antigüidade (máximo 4 puntos).		
1.1. Por cada ano de servizos como funcionaria ou funcionario que superen os cinco exixidos como requisitos:	0,50	Fotocopia cotexada do título administrativo coas dilixencias das distintas posesións e cesamentos que tivese desde o seu nomeamento como funcionaria ou funcionario ou, se é o caso, dos correspondentes documentos de inscrición nos rexistros de persoal.
1.2. Por cada ano de servizos como funcionaria ou funcionario noutros corpos ou escalas docentes que impartan algunha das ensinanzas reguladas na Lei orgánica 2/2006, do 3 de maio, de educación:	0,25	Fotocopia cotexada do título administrativo coas dilixencias das distintas posesións e cesamentos que tivese desde o seu nomeamento como funcionaria ou funcionario ou, se é o caso, dos correspondentes documentos de inscrición nos rexistros de persoal.
2. Desempeño da Dirección de centros públicos e outros cargos directivos e de postos na Administración educativa (máximo seis puntos).		
2.1. Por cada ano como directora ou director nun centro que impartise algunha das ensinanzas do centro a que se opta: a) No centro ao que se opta b) Noutros centros	1 0,60	Fotocopia cotexada do nomeamento, coas dilixencias da toma de posesión e cesamento.
2.2. Por cada ano como directora ou director nun centro que non impartise algunha das ensinanzas do centro ao que se opta:	0,50	Fotocopia cotexada do nomeamento, coas dilixencias da toma de posesión e cesamento.



Méritos	Puntos	Documentación xustificativa
2.3. Por cada ano como subdirector ou xefe de servizo en postos da Administración educativa:	0,50	Fotocopia cotexada do nomeamento, coas dilixencias da toma de posesión e cesamento.
2.4. Por cada ano como vicedirector, subdirector, secretario ou xefe de estudos dun centro que impartise algunha das ensinanzas do centro a que se opta: a) No centro ao que se opta b) Noutros centros	0,50 0,30	Fotocopia cotexada do nomeamento, coas dilixencias da toma de posesión e cesamento.
2.5. Por cada ano como vicedirector, subdirector, secretario ou xefe de estudos dun centro que non impartise algunha das ensinanzas do centro a que se opta:	0,25	Fotocopia cotexada do nomeamento, coas dilixencias da toma de posesión e cesamento.
2.6. Por cada ano como xefe de departamento, coordinador dos equipos de normalización lingüística, coordinador de ciclo e análogos, dun centro que impartise algunha das ensinanzas do centro a que se opta:	0,15	Fotocopia cotexada do nomeamento, coas dilixencias da toma de posesión e de posesión e cesamento.
3. Méritos académicos: máximo 1 punto.		
3.1. Por cada título de doutor:	0,50	Fotocopia cotexada do título ou certificación do aboamento dos dereitos de expedición, de acordo co previsto na OM do 8 de xullo de 1988 (BOE do 13 de xullo).
3.2. Por cada título de licenciado, enxeñeiro ou arquitecto distinto do alegado para ingreso no corpo, ou polo certificado-diploma de estudos avanzados:	0,25	Fotocopia cotexada do título ou certificación do aboamento dos dereitos de expedición, de acordo co previsto na OM do 8 de xullo de 1988 (BOE do 13 de xullo).
3.3. Por cada título de diplomado universitario ou equivalente distinto do alegado para ingreso no corpo:	0,15	Fotocopia cotexada do título ou certificación do aboamento dos dereitos de expedición, de acordo co previsto na OM do 8 de xullo de 1988 (BOE do 13 de xullo).
4. Cursos de formación: máximo 3 puntos. Por cursos de formación relacionados coa función directiva organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologados ou recoñecidos polas administracións citadas con anterioridade, así como os organizados polas universidades: 0,05 puntos por cada 10 horas.		
4.1. Por actividades e cursos recibidos:	Ata 2	Certificado deles en que conste de modo expreso o número de horas de duración do curso. No caso dos organizados polas institucións sen ánimo de lucro, deberá acreditarse de forma que faga fe o recoñecemento ou homologación.
4.2. Por cursos impartidos:	Ata 1	Certificado deles en que conste de modo expreso o número de horas de impartición no curso. No caso dos organizados polas institucións sen ánimo de lucro, deberá acreditarse de forma que faga fe o recoñecemento ou homologación.
5. Corpo de catedráticos.		
Por pertencer a un dos corpos de catedráticos regulados na Lei orgánica 2/2006, do 3 de maio, de educación:	0,50	Fotocopia cotexada do título administrativo ou credencial ou, se é o caso, o boletín en que apareza o seu nomeamento.



Méritos	Puntos	Documentación xustificativa
6. Servizo activo		
Por estar en situación de servizo activo	2,00	
7. Destino		
Por ter destino definitivo no centro ao que se concursa	2,00	
8. Proxecto de dirección.		
Polo proxecto de dirección:	Ata 12	Orixinal deste.

ANEXO III**Solicitud de participación no concurso de méritos para a selección dos directores e directoras dos centros docentes públicos que imparten as ensinanzas reguladas na Lei orgánica 2/2006, do 3 de maio, de educación, na Comunidade Autónoma de Galicia**

1. Datos persoais.

Primeiro apelido	Segundo apelido	Nome	
DNI	Enderezo (rúa, praza..., número, piso)		
Localidade (con indicativo postal)	Provincia	Telf. fixo	Telf. móbil

2. Datos do destino.

Destino definitivo	Corpo/especialidade
Destino provisional	Corpo/especialidade

3. Centro docente que solicita.

Orde	Código	Centro	Concello
1			
2			

....., ... de..... de 20...

Sinatura

Xefatura Territorial de

